



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. III. An Cambium locale contineat usuram?

**urn:nbn:de:hbz:466:1-40673**

psoribus accipi.

VI. Quæritur hic, an qui scienter, aut ex inadvertentia pecuniam adulterinam accepit, possit illam cum veris miscere, & sic pro vera illam expendere?

Respondeo certum omnino esse, quod non possit; Ratio est, quia talis pecunia est vitiosa; res autem notabiliter vitiosa nequit alteri tradi viatio non detecto, ut diximus cum de Venditione. Neque ex eo quod quis fuerit deceptus, potest alios decipere: Sicut neque ex eo quod famulus meus furatus est a me, ideo possum ego ab aliis furari. Ita communiter cum Azor. part. 3. lib. 7. cap. 6., Bonac. hic num. 4.

### ARTIC. III.

An Cambium Locale contineat usuram?

I. Cambium locale triplex est, si scilicet pecunia hic accipiatur a Campsore alibi restituenda; aut si hic accipiatur a Campsario solvenda alibi; aut si hic accipiatur a Campsore restituenda in hoc eodem loco.

II. Primi generis Cambium locale licitum est propter moneta translationem sicutem virtualem, etiamsi Campsor indigeat hic pecunia alibi solvenda; Necnon propter asecurationem pecuniae, ac propter officium cambiandi.

III. Pariter si pecunia alibi restituenda sit pretiosior, aut rarior.

IV. Provisiones Cambiorum, seu quod datur Campsori pro labore, & periculo, solet esse tertia pars scuti pro singulis centenariis.

V. Secundi generis Cambium est pariter licitum, cum sex tituli concurrere possint ad lucrum reportandum.

VI. Cambium, & Recambium, seu cum

Recursa, multipliciter haberi potest. Probabilius est Cambium siccum esse usurarium; & solum speculativa est probabiliter licitum, si in eo concurrent conditiones a Pio V. requisita.

VII. Num Campsor dans bona fide pecuniam restituendam Romae, possit lucrum retinere, si deprehendat, quod Campsarius careat Romae pecunia, qua restituatur?

I. Triplicis generis est, ut diximus, Cambium locale: Primo scilicet, quando Campsor accipit hic, verbi gratia Neapoli, pecunias restituendas Campsario in loco distanti: Secundo, quando Campsarius accipit hic pecunias Campsori restituendas in loco distanti: Tertio, quando Campsor accipit hic pecunias Campsario restituendas in hoc eodem loco.

II. Quæritur nunc primo: An sit licitum Cambium locale primi generis, quando scilicet Campsor accipit, verbi gratia hic Neapoli, pecuniam a Campsario cum obligatione restituendi illam Romae Procuratori Campsarii, & interim accipit a Campsario aliquod lucrum?

Respondeo cum communè affirmative; Ratio est, quia possunt variii tituli concurrere ad reddendum licitum, & justum tale lucrum: Primo scilicet ratione virtualis translationis monetæ in locum distantem; nam Campsor veluti transfert Romam pecuniam, levando sic eo onere Campsarium; Unde fit, quod quo major est distantia horum locorum, eo majus stipendium accipi possit, etiamsi pecunia utrobius ejusdem valoris sit. Idcirco autem ex hoc titulo accipi aliquid potest, quia sicut translatio pecuniae formalis digna est aliqua compensatione, si fiat in gratiam Campsarii, ita translatio ista virtualis; non enim est minus utile Campsario, quod transferatur pecunia

for-

formaliter, quam quod æquivalenter per hoc, quod Campfor habeat Romæ correspondentem, qui suo nomine pecuniam illam solvat; Et quod habeatur talis correspondens, est fortuna, vel industria, vel utraque simul Campforis: Sicuti si quis locatus est operam alicuius mittendi, verbi gratia Romam, ut reducat equum ad hanc Civitatem, si casu aliquis eo iturus est, & ad id faciendum se obligat, potest sibi pretium congruum accipere; quia id suæ fortunæ debet tribuere.

Non negandum tamen, quod cum translatio hæc virtualis non sit involuta tot periculis, & difficultatibus, sicut translatio realis, non poterit Campfor tantum exigere, quantum si transferret realiter, ut notat Trull. & Bonac.; Sicut enim decrescit pretium rei ex multitudine venditorum, ita decrescit pretium pro translatione pecunia, quando virtualiter tantum transfertur; quia multi ad id se offerunt, cum sine magna difficultate fiat talis translatio.

Adde, tale lucrum posse accipi a Campfore, etiamsi indigeat hic pecunia illa, quam accipit, ut Romæ illam restituat, (dummodo a Campsario ad id præveniatur,) propter easdem rationes: Sicut si Petrus debeat transmittere Romam suum equum, adhuc potest illum locare volenti Romam ire, & lucrum reportare. Ratio est ex Bonac., quia sicut merx ultronea vilescit, ita qui prius rogat in casu nostro, viuorem reddit partem suam; unde alter potest lucrum reportare; quamvis debuisset aliquid solvere, si prius rogasset.

Advertit tamen Villalob. apud Trull. dub. 3. esse rationi consonum, quod si uterque eodem modo indigeat tali cambio, neuter lucrum reportet.

Secundus titulus, quo Campfor in hoc casu potest lucrari, est Assuratio, quia Campfor non solum subit onus transferendi pecuniam, sed et-

iam subit periculum rei, ita ut sibi pereat, si forte perit. Neque obstat, quod revera transferendo solum virtualiter, & per literas pecuniam, nullum periculum subeat; Nam id fortuna suæ tribuendum est: Unde fit, quod quo longius est iter, & quo majora sunt pericula, eo majus lucrum possit accipi.

Tertius titulus esse potest ratione officii, hoc est, si ex officio aliquis cambiret, obligatus ad id a Republica, vel a Principe.

III. Quartus, si pecunia esset majoris pretii in loco, in quo restituenda est: Potest autem pecunia habere majorem estimationem, non solum intrinsecam, si scilicet sit majoris ponderis, sed etiam extrinsecam, verbi gratia ratione inopie, vel ratione multorum potentium pecuniam ad Cambium.

IV. Ubi nota cum Filiuc. apud Dian. part. 1. tract. 8. resol. 6., provisiones cambiorum, seu id, quod debetur Campfori pro labore, & periculo, ex inveterata, & immemorabili consuetudine inter mercatores, esse tertiam partem scuti pro singulis centenariis.

V. Quæritur secundo: An sit licitum cambium locale secundi generis, quando scilicet Campfor dat hic pecunias Campsario, ut sibi ab eodem restituantur Romæ, & interim aliquod lucrum accipit?

Respondeo affirmative cum communni contra nonnullos apud Sal. dub. 7.; Primus enim titulus iusti lucri est eadem virtualis translatio pecunia; nam Campfor in gratiam Campsarii veluti transfert huc pecuniam, quam ille habet Romæ; perinde enim est Campforum hic pecuniam pro absente numerare, ac illam huc transferre. Secundus titulus ratione virtualis assurcationis, ut diximus in primo quæsito. Tertius etiam ratione officii, si

scilicet ex obligatione Campsor tale munus exerceat. Quartus, si pecunia esset majoris pretii hic, ubi solvit, quam Romæ, ubi restituenda est. Quintus, quia communiter magis assumatur pecunia præsens, quam absens, cum illa facilior sit, & commodior ad contrahendum: Ex quo sequitur, quod quando econtra Campsor accipit pecuniam præsentem pro absente, debeat decrescere aliquantulum ex hoc capite lucrum, quod juste ob alios titulos exigitur. Sextus esset ratione lucri cessantis, vel damni interim emergentis. Septimus ratione incommodorum, quibus se exponit Campsor, ut pecuniam suam Romæ recuperet; unde poterit pignus, vel fidejussorem exigere pro crediti secutitate.

Ex dictis sequitur, quod etiam qui non est mercator possit aliquod lucrum ex cambio accipere ex plurimis titulis, ut notat Salas dub. 46.

VI. Quaritur tertio: An licitum sit tertii generis Cambium locale per literas cum recambio, vulgo *Con la Risorfa*? Sciendum autem, quod ad hoc Cambium quatuor persona concurrunt, duas hic, videlicet Campsor, & Campsarius, & duas, verbi gratia, Romæ, scilicet correspondens, seu Factor Campsoris, & correspondens Campsarii: Nam Campsor dat hic Campsario pecuniam restituendam Romæ factori Campsoris a factore Campsarii, & sic habetur Cambium cum lucro; deinde factor Campsoris veluti fingit se recipere Romæ pecuniam debitam a factore Campsarii, & iterum dare illi ad Cambium, obligando se, quod illa Neapoli restituenda sit a Campsario eidem primo Campsori, & sic habetur recambio, pro quo accipitur secundum lucrum a Campsore; primum scilicet sibi debitum propter primum Cambium, & secundum debitum suo factori existenti Romæ.

Pars IV.

propter recambio; Aliquando etiam in hoc cambio cum recambio, seu cum recursa idem est correspondens, seu factor Campsoris, & Correspondens Campsarii, qui utrumque munus gerit in loco distanti, verbi gratia Romæ, & inquantum factor Campsarii acceptat literas, & solvit Romæ pecuniam acceptam a Campsario Neapoli; inquantum vero factor Campsoris, pecuniam Romæ solutam iterum dat ad cambium solvendam Neapoli a Campsario. Unde quando Campsarius non habet Romæ correspondentem, solet Campsor offerre illi correspondentem suum, ut utriusque partes impletat.

Aliquando tamen nec Campsor, nec Campsarius habent Romæ Correspondentes, sed Campsor habet Romæ famulum, cui scribit, ut pecuniis ipsiusmet Campsoris solvat sibi ipsi pro Campsario pecuniam, quam recepit Neapoli, & postea remittit solutionem faciendam Neapoli ipsi Campsori a Campsario. Quod autem dicitur de pecunia accepta hic solvenda, verbi gratia Romæ, dicitur de pecunia accepta hic, solvenda in proximis nundinis, quæ erunt verbi gratia post tres, vel quatuor menses. His explicatis

Respondeo, multos Doctores cum Comit., Molin., Sot. apud Dian. part. I. tract. 8. resol. 1. putare, cambium hoc esse siccum, & usurarium, & lucrum esse omnino restituendum; quia solutio, quæ sit Romæ a correspondente Campsarii correspondenti Campsoris, est omnino ficta, & imaginaria, & literæ sunt omnino inanes, & apparentes: Quæ opinio communior est probabilius, & suadenda. Verum Azor., Less., Sà, Salon., & alii apud eundem Dian. probabiliter putant non esse usurarium, dummodo in eo cambio adsint conditiones requisitæ a Pio V., de quibus articulo sequen-

O uj

ti; quæ opinio videri potest speculative dumtaxat probabilis, quatenus practice fere semper desunt conditio-nes ad cambium requisita. Ratio est, quia tam in cambio, quam in recam-bio potest haberi vera pecunia permutatio; nam campsarius recipit Nea-polì pecuniam solvendam Romæ a suo factore factori campforis; Quamvis autem factor campfarii non ha-beat Romæ pecuniam ullam realiter, habet tamen virtualiter, & credito, quatenus potest illam facile habere, si ab alio ibi recipiat ad Cambium; Quod si potest recipere ad cambium ab alio, quidni etiam possit illam ad cambium recipere ab eodem corre-spondente campforis, solvendam Nea-polì a campfario eidem primo cam-pori? Sic autem habetur vera permutatio pecunia tam in cambio, quam in recambio. Certe si campsarius co-geretut a Campsore ad recambio, contractus esset illicitus, sicut dicitur de contractu Mohatra; Quando au-tem ad id non cogitur, sed offert com-moditatem recambi, ut facilius possit solvere Romæ pecuniam debi-tam, videtur id favere potius Cam-psario, quam illum gravare, ut dici-tur de eo, qui vendit caro pretio, & deinde se offert ad reemendum pretio infimo, videns, quod ille ideo emit caro pretio, ut vendat infimo, & sic habeat pecuniam, qua indiget. Certum etiam est, quod si Campso-res in his cambiis habeant perversam intentionem lucrandi ex dilatione so-lutionis, talis intentio esset usura men-talis; Secus vero si dent cum animo negoziandi, & cum lucro consono permutandi illam pecuniam eo pacto, quo licite fit inter mercatores. Sal-on. apud Trull. dub. 5. putat hoc genus cambiandi esse licitum, quia publice exercetur ab omnibus merca-toribus Italiae, scientibus, & permit-tentibus Episcopis. Docent quippe

Doctores cum Riccio apud eundem Trull., quod contraetus, qui publice, & communiter etiam a prudentibus, & timoratis exercetur, quamvis sit suspectus, non debeat judicari scne-ratius; Et ratio videtur esse, quia cum licite possit campfor dare ad cam-bium, quamvis videat campiarium non aliter soluturum pecuniam, quam petendo ab alio recambio, licite pariter poterit dare ad cambium, quando campsarius ab eodem cam-pfore petit sponte, ut per suum cor-respondentem, vel famulum fiat solu-tio, vel recambio; In hoc enim casu videtur haberi verum cambium non siccum, quia literæ, qua mittun-tur, sunt causa veræ permutationis, in tantum ut si correspondens, vel famulus campforis interim fugeret, vel decoqueret, non teneretur campsarius ad interesse, seu lucrum cambii, sed solum ad sortem principalem, eo quod in tali casu non intercessisset vera per-mutatio.

Equidem tamen censeo, sine scrupulo contractum hunc exerceri non posse a Campsore, qui videt Campiarium non habere pecuniam alibi, sed ad cambium hoc cum recambio redigi ex necessitate, quam habet mu-tui. Ratio est, quia quamvis vere dentur tales literæ, non deseruent ad aliud, quam ad palliandam ingen-tem usuram; quia revera campfor videt campiarium simul determinari ad cambium, & ad recambio, at-que adeo videt utrumque lucrum cam-bii, & recambi percipiendum esse mere ex dilatione tanti temporis, quantum requiritur, ut literæ eant, ac redeant. Unde Bonac. num. 11. advertit, quod quamvis licite fieri posset talis contractus speculative lo-quendo, valde tamen periculosus sit in praxi; præsertim in continuatione cambiorum, quibus ad multos men-ses, & annos renovantur cambia, &

re-

*catorum iudicio tempus hoc soluti-*  
*nonis protrahatur cum lucro ob iu-*  
*slos titulos?*

recambia, reducto ad principalem for-  
tem lucro primorum cambiorum.

VII. Queritur quarto: An campsor,  
qui bona fide dedit campstario pecu-  
niam solvendam Romæ, existimans,  
quod ibi habeat ille pecuniam, si de-  
prehendat deinde, quod Roma non  
habeat pecuniam, possit lucrum cam-  
biū percipere?

Respondeo, Sal., & Ledesm. apud  
Dian. part. I. tract. 8. resol. 14. ne-  
gare; quia cum campsarius fide, &  
sine animo se obligandi promiserit,  
non tenetur in conscientia implere,  
sed tenetur solum de damno emer-  
gente, & lucro cessante. Molin. ta-  
men cum Less., & Dian. affirmant;  
quia cum campsor bona fide contra-  
ctum impleverit ex parte sua, tenetur  
etiam alter ex parte sua implere illum  
quantum potest; aliter semper con-  
tractus paterent fraudibus, & contra-  
hentes possent cum magno suo in-  
commodo eludi.

#### ARTICULUS IV.

De Conditionibus a Pio V. requisitis  
ad Cambium Locale, ne sit  
siccum, & usurarium.

I. *Bulla Pii V. damnat ut usuraria*  
*Cambia, & Recambia, seu cum*  
*Recursa, & quatuor conditiones*  
*requirit ad licite cambiendum.*

II. *Nequit Campsor ratione dilationis*  
*incrum accipere.*

III. *Neque pactum fieri potest de sol-*  
*vendo certo interesse, si solutio dif-*  
*feratur. Num sit irriuum tale pa-*  
*ctum, an solum illicium, ubi Bul-*  
*la est recepta?*

IV. *Pecunia nequit ad Cambium dari,*  
*nisi pro nundinis proximis. Qua-*  
*nam dicantur nundina proxima?*

V. *Nequit terminus solutionis protrahi*  
*cum majori lucro plus, quam exi-*  
*git distantia locorum. Quid si mer-*

I. **Q**uartuor sunt conditiones a Pio  
V. requisitæ in Bulla de  
cambiis edita anno 1571., in qua  
damnata etiam tanquam usuraria, &  
sicca cambia, in quibus ex intentio-  
ne contrahentium fit solutio in eodem  
loco, eo quod alter alibi pecuniam non  
habeat.

II. Prima conditio est, ne Campsor  
ratione dilationis ultra terminum præ-  
stitutum concessæ paciscatur de aliquo  
lucro, cum id sit usurarium.

III. Secunda, ne ab initio, vel po-  
stea fiat pactum de certo interesse,  
etiam in eventu, quo non fieret solu-  
tio tempore debito; Quæ prohibi-  
tio fit ex præsumptione fraudis usura-  
riæ. Quare si constet fraudes in ali-  
quo casu non adesse, & pactum esse  
justum, putat Dian. part. I. tract. 8.  
resol. 15. cum Granad. contra Rebel.,  
& Sal. dub. 13., quod non peccet  
mortaliiter, qui tale pactum faceret:  
Less. vero cap. 23. num. 88., & Re-  
ginald. contra Filliuc. putant, quod  
quamvis tale pactum esset illicium,  
& graviter peccaminosum, ubi ea  
Bulla est recepta, non sit tamen irri-  
tum. Norat tamen Less. num. 93.,  
Sal. dub. 26., Rebel., Bonac., Primo,  
paucis in locis, & forte nusquam ta-  
lem Bullam esse receptam saltem quoad  
omnes conditions; Secundo, prohi-  
beri tantum pactum de certo, & de-  
terminato interesse lucri cessantis, vel  
damni emergentis, non vero pactum  
de lucro incerto, quod cessabit cam-  
psori, si in loco constituto Campsa-  
rius non solvat tempore determina-  
to; Nec prohiberi, ne moderata ad-  
jiciatur pena, si tempore convento  
solutio facta non fuerit.

IV. Tertia conditio a Pio V. re-  
quisita est, ne detur pecunia ad cam-  
biū,

O z biū,